



G. 3895. 18

No. 9. 3893 18

Vol 1



Bought with the  
Charlotte Harris Fund  
Charlestown Branch.





58. 17. 17.

Digitized by the Internet Archive  
in 2010 with funding from  
Boston Public Library





8

8

d.

ADVIS A TOVS

LES BONS

ET FIDELS FRAN-

ÇOIS DE L'VNE ET

l'autre Religion.



2

---

M. DC. XIV.

THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.

LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.

---

1891





A TOVS

LES BONS ET FIDÈLS

FRANCOIS DE LVNE

& l'autre Religion.



ESSIEVRS,

Si le Ciel n'a-  
uoit point en  
tutelle speciale  
l'Estat de ceste  
Monarchie, ie craindrois que la  
France ne fust a la veille de sa ruy-  
ne, puisque les François mesmes  
comme les membres d'un corps  
mourant s'entrelaissent & se de-  
stachent les vns des autres. Long  
temps a que le malheur de la di-  
uersité de nos religions a des vny

Aij

nos consciences, souleué, & fait  
 heurter ce pauvre Royaume cõ-  
 tre luy mesme. Ainsi que disoit  
 vn Antien de la puissance d'Ale-  
 xandre apres sa mort : Mais la na-  
 ture premiere que la Religion en-  
 datte de tẽps, bien que posterieu-  
 re en ordre de Noblesse, en fin a  
 releué depuis vingt ans son droit  
 diuisé au milieu des cendres &  
 rauages de la Religion & sommé  
 nos courages de faire alte pour  
 espargner du moings par deuoir  
 naturel le sang de nostre chere  
 patrie, voire mesme la Religion  
 qui ne loge que dans le fond de  
 la nature, a obligé les bons & fi-  
 dels François en tiltre de naturel-  
 le pieté de rendre ce mesme of-  
 fice à leur bonne mere la France:  
 de la nous auons veu naistre no-  
 stre repos, & la France paisible

S

porte l'image d'un Paradis Terrestre, iusqu'à n'aguères que l'ennemy du genre humain, non plus cõforme de couleure mais d'une hydre a cent testes, a faict monopoler à Saumur & à Priuas certains d'esnaturez François sous le nom d'assemblée politique & de Synode National des Eglises reformées de France, pour rompre le sacré nœud de la Paix, & nous iecter dans les feux de la Guerre, Diabolique cõiurations, pernitieuse faction, entreprise damnable, de ces nouveaux Nerons, nais a faire mourir leur mere en la sagesse de la Reyne mere du Roy, nostre bonne Regente, n'eust paru comme vn Caducée au milieu des Serpens pour empescher leurs reuoltes, & aneantir leurs desseings, *oculatas*

*manus habeo* , disoit le seruiteur  
chez Plaute. le croy pour auoir  
veu, & n'eusse iamais creu sans  
veoir les tours de souplesse de ses  
maistres enjauteurs, ny la sauua-  
gine du loup couuerte de leur  
belle peau de brebis. le les ay veu  
iouer tous les personnages de la  
Tragedie sur le Teatre de leur Si-  
node de Priuas, que ie desire  
vous estaller en perspectiue dans  
le recueil de leurs arrests, pour  
vous inuiter côme freres au mu-  
tuel baiser de paix, & a l'embras-  
sement qui nous bande tous en-  
semble a guarantir le repos & li-  
berté de ce Royaume, des ceps &  
chefnes de leur tyranie. C'est vn  
subiet de tel merite, & vne occa-  
sion si pressante que les muets  
doiuent rompre l'obstacle de na-  
ture, pour crier (avec le fils de



Cresus, quand il vid l'espée d'vn  
 assassin sur la teste du Roy son  
 pere) sauue la Couronne, viue le  
 Roy, viue la France, la minorité  
 de nos Roys a souuent ouuert le  
 passage aux entreprises des mu-  
 rains contre leur Estat: Mais le  
 sceptre François par vn special  
 priuilege du Ciel est tousiours  
 Maieur, iamais subiect a curatel-  
 le: Mais sous la ferrulle d'aucune  
 ouissance Terrienne. Prenons  
 donc assurance MESSIEURS,  
 que nostre petit Louys grand  
 Roy des Fleurs de Lys, voyre en  
 la minorité de son aage estouffe-  
 ra côme vn Hercule en son ber-  
 ceau les Serpens qui le veulent  
 mordre. Cest à nous de nous ra-  
 tier sous son obeissance, & natu-  
 relle correlation des subiects a  
 leur Prince, & luy offrir vostre



sang & nos vies pour cimenter la  
 paix que Dieu nous a donnée par  
 la main du Grand Henry son pe-  
 re , d'eternelle memoire. Paix,  
 gloire de la France , Vie de nos  
 vies, soustien de nostre conserua-  
 tion ; corne d'abondance d'ou  
 pullulle tout nostre bien & feli-  
 cité. En cette attente ie de-  
 meuretay.

*MESSIEURS,*

*Vostre tres-humble  
 compatriotte & ser-  
 viteur F. D. M,  
 Vermandois.*





S. 1/2/1 v.







